

INUIT ATAQATIGIIT

INATSISARTUNI



UKA2021/060

9. november 2021

Charlotte Pike

Imm. 60 Nannunik piniarneq illersuinerlu pillugit Namminersorlutik Oqartussat nalunaarutaat1 allanngorteqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut. Taamaalilluni nannunik inuit najugaqarfiinut pisunik pisarinnittoqarsinnaanngorlugu, pisaqarnissaq sioqqullugu immikkut akuersissumvik peqqaanngikkaluarluni.

(Inatsisartunut ilaasortaq Jens Napātōk', Naleraq)

Nannunik piniarneq illersuinerlu pillugit Inatsisartuni ilaasortap Jens Napatok siunnersuutaani qujalluta imaattumik Inuit Ataqatigiiniit oqaaseqassaagut.

Siunnersuutip imarisaa ilisarilluinnarlugu ulluinnarni tamakku pisartut nammineerlunga inooqataaffigalugit nalunngilluarpakka qanoq ilungersunartartiginersut. Ukiunimmi kingullerni qulikkaani nannut inoqarfinnut tikittartut qimaatinneqareeraluarlutik uteqattaartut takornartaajunnaarsimapput. Ulluinnarni inoqarfinni inuit sillimaneq ernumaneq ulluinnarsiutigilertaraat upternarsarsinnaavara. Inuit pineqartut meeqqaniit utoqqarnut pisuinnaagaluarunik angallatikkooraluarunik nanoq qanillereersimalluni naammattuugaq qanoq ulorianartigisinnaanersoq nalunngilluaqaarput.

Siunnersuuteqartup nunatsinni inunnik ajoqutsertoqartinnagu siunnersuuteqarnera pissusissamisoorpoq. Qinikkatummi iliuuseqarnissaq pisussaaffiliivoq annertooq nunap inui toqqissisimanissai qulakkiissallugu. Nannunik pisassiissutit nungureertillugit qimaatitsiniartarneq nalinginnaalersimavoq allaat nanoq ataaseq arlaleriarluni

INUIT ATAQATIGIIT

INATSISARTUNI



uteqattaarsinnaasarluni illoqarfiullu iluani angalasinnaasarpoq.

Perllerluinnartillunilu ilaatigut aallaat seqqoraluartoq
soqutigeqqaanngissinnaasarpaq ilaatigullu angallatit tusaagaluarlugit aamma
soqutiginngissinnaasarlugit. Taamaattut nalaattarlugit assut
toqqisisimanginermik pilersitsisarmat qujanartorujussuuvoq
siunnersuuteqartoq.

Inuit Ataqatigiinniit Naalakkersuisut ukioq manna nalunaarutitigut
sinaakkutissanik suliaqartoqarnissaa iluarismaarpalput, ilangullugulu ima
pisoqartarneranut pisasanut ilanngaataasarnissaat piareersaasiornissaq
ilanngullugu isumalluarfigalugu. Malittarisassatigullu nannup amia niaqua
neqaalu qanoq pisarnissaanik nalimmassaaqqinnissaq pillugu isumaqarpugut
pisasanik ilanngaatasalissappaata pisarneq malillugu piniartup ningertarneq
eqqarsaatigalugu siulliusup nannuttarisassagaa, taamaasilluni pisarneq
malillugu pisaqartutut nalunaarutigineqartassalluni, ningertariaaserlu malillugu
neqai ningerineqarlutik aamma. Taamatut aaqqiisoqarnissaa tamatsinniit
ajunnginnerussaaq. Nannummi amii 2007-miit toqunneqarsimasut 79-it
Naalakkersuisoqarfimmi katarsorneqarsimassappata
atorluaannginnerussammat.

Inuit Ataqatigiinniit taamatut isumaqarluta siunnersuut taperserlugu
ataatsimiititamut susassaqartumut suliareqqitassanngorlugu
ingerlateqqippalput.